


~~C8290~~

Uc 4154



DE BELLO SOCIALI TVRCICO

Breuis commonitio,

AD SERENISS. PRINCIPEM

D. SIGISMVNDVM III. REGEM POLONIAE,
ET SVECIAE, MAGNVN DVCEN LITHVA-
NIAE, &c. &c. ET INCLYTOS REGNI
PROCERES AC ORDINES,

In publicis Regni Comitijs proposita
xvij. Martij.

PER REVERENDISS. ET ILLVSTRISS.


*Sacri Rom. Imperij Principum Electorum,
Legatos & Omitores,*

D. Ioannem à Kostitz, Prepositum & Presidem
Martisburgensem, D. Ioannem à Beneken-
dorff in Wardin, D. Nicolaum Reusnerum,
& D. Christophorum Benckendorffium,
Consiliarios Electorales Saxonicos ac Bran-
denburgicos:

Anno Christiano,

M. D. XCV.

DE BELLO SOCIALI
TURCICO,
Breuis commonitio.



ERENISSIME AC POTENTISS.
Rex, Reuerendis. Antistites, cæ-
teri que inclyti & magnifici Regni
Poloniæ Proceres: Quæ superio-
ribus hisce diebus à Reuerendis. & Illustris.
Principe, Stanislao, Episcopo Olomuceñ. Re-
galis Capellæ Boëmicæ Comite: & Illustri &
Magnifico Dño Wenceslao Seniore Berkæ, Ba-
rone de Daub & Lippa, Regni Boëmiæ Aulæ
Marschallo, Sac. Cæs. Maiestatis Consiliariis,
& ad Serenit. V. Regiam, cæterosq; Regni hu-
ius inclyti Ordines Legatis & Oratoribus, de
summo & maximo periculo, à Turcica tyranni-
de Reip. Christianæ vniuersæ impendente, deq;
remediis, quibus hoc tam graue & intollera-
bile periculum à ceruicibus nostris amolien-
dum, & quomodo patriæ libertas, & dignitas,
ab immani isto & horrendo seruitutis Barbari-

cæ iugo vindicanda sit, nomine Sac. Cæs. M. coram Regia V. Sereni. in hoc amplissimo Regni Ordinum confessu publicè proposita fuere. Ea omnia tanta & prudentia & eloquentia deducta esse planè confidimus; ut vix quidquam amplius à nobis, qui Reuerendis. & Illustrissimi Collegij Electoralis legatione perfungimur, commodè addi posse videatur, quod non iam antea in medium allatum, & in amplissimo hoc Regni Senatu, pro eximia, qua pollet sapientia, & rei ipsius grauitate ac necessitate, prudenter accuratèq; perpensum ac deliberatum sit. Sed quoniam tamen mandati fines diligenter custodire nos fas est; fanè factu opus ac necessarium esse duximus, saltem breuiter & summatim mentem & sententiam Reueren. & Illustriss. Collegij Electorum Sacri Rom. Imperij, in hac splendidissima Corona, aperire atq; exponere: & animos tot ac tantorū herōum, quos coram intuemur, cupiditate quadam incredibili, & studio propugnandæ Reipub. christianæ per se iam antea flagrantēs, & nuper admodum

modum exhortatione tam pia & prudenti Sac. Cæs. M. Oratorum mirificè inflammatos, hac breui commonitione quasi refouere, & quantum in nobis est, adhuc magis confirmare atq; corroborare. Caput verò huius totius causæ illud est: Quàm perfidiosè & consceleratè immanissimus Turcarum Tyrannus, & Christiani nominis hostis perpetuus, non ita pridem fœdere pacis publicæ nefariè rupto, contra fidem datam, bellum atrox & crudele, Reipu. Christianæ intulerit; in quo non solum Castella aliquot munitissima in Croatia & Styria, sed etiā in Hungaria Iaurinum, totius orbis Christiani longè maximum propugnaculum, vnà cum quibusdam aliis præsidiis, magno cum Reipub. Christianæ malo & incommodo, per ducem exercitus sui Sinauum Bassam expugnauit, & sub barbarum suum iugum redegit; id omne S. Regiæ M. V. & ampliss. Regni huius Ordinibus plus quàm satis notum est: quo ipso profectò in summum & longè maximum discrimen ac periculum adducta est tota Respu. Christiana,

na; vt valdè metuendum sit (id quod Deus clementer auertat) Pannonia vniuersa superata, hostem crudelissimum, alias quoque finitimas regiones, Austriam, Boëmiam, Morauiam, Silesiam, ipsamque adeò Germaniam nostram, cæterasque orbis Christiani prouincias, acie hostili & barbarica inuasurum atq; infestaturum. A quo sanè periculo tantùm abest, vt Poloniæ Regnum securum ac tutum diu esse queat; vt multò etiã magis illud periclitetur; tùm quòd Vngariæ maximè illud conterminum & propinquum; tùm quòd barbari illius hostis summam perfidiam & crudelitatem, iam antea sæpius, & non ita pridem nefaria ista Tartarorum per Poloniam facta irruptione, magno cum suo detrimento expertum sit. Ac proinde, vt malo huic maturè occurratur, & periculum hoc ingens ab orbe Christiano auertatur: Sacratiss. Cæs. Maiestas, omnesq; S. Rom. Imperij Electores ac Principes, communibus omnium Ordinum suffragiis, concorditer & vnanimiter in eo consensere, & sic decreuere; vt

com-

commune bellum, aduersus communem totius Reipub. Christianæ hostem, communibus viribus & opibus, quæ multò maiores, quàm aliàs, tam extraordinariæ, quàm ordinariæ, à toto Imperio Romano non ita pridem contributæ, & in posterum contribuendæ sunt, tandem suscipiatur; ac præterea alij quoque orbis Christiani Reges ac Principes, & in his præcipuè Serenit. Regia V. cum amplissimis Regni Poloniæ Proceribus, tùm ob fidei Christianæ, tùm ob imminentis periculi communitatem, in belli huius sacri societatem amicè studiosèque vocentur atq; sollicitentur: quò facilius & commodius sacra hæc militia coniunctis viribus expediri, & commune istud periculum, à Christiano orbe, propulsari queat. Neq; verò de belli huius sacri & socialis Iustitia, summaque eius necessitate & communi vtilitate, vllò modo dubitandum esse videtur. Nam primùm quidem, bellum hoc pium est, & omninò sacrum; quod pro Dei gloria, pro Christi honore, pro religione sacrorum, pro salute Ecclesiæ, pro totius

tius

tius Reipub. Christianæ incolumitate, pro aris denique & focis geritur. Deinde bellum hoc quoq; iustum est ac legitimum; quod non tam offendendi, quàm defendendi animo, neq; cupiditate alieni Imperij affectandi; sed retinendi sui, aut saltem recuperandi tot & tam amplas possessiones, orbi Christiano à Turcis iam olim & nuper admodum ademptas, suscipitur. Præterea summè quoque necessarium hoc bellum est, si modò nosmetipsos, & coniuges, ac liberos, posterosque nostros, omnesque adeò possessiones & fortunas, vnà cum Reipub. & communi patria, saluas & incolumes esse volumus; cùm commune omnibus christianis ex æquo immineat periculum, non solum à Turcis, sed etiam à Tartaris: si præsertim id, quod semper hætenus fecerunt, necdum facere intermittunt, auxilia & copias coniunxerint, & communis furoris, veluti tempestate quadam, orbē Christianum affligerint. Quàm verò publicè & priuatim vtile bellum istud futurum sit, quorsum attinet multa dicere? Vnum illud addere libet

libet, non nisi saluis & incolumibus finitimis his regionibus, salua & incolumia manere posse iura commerciorum, societatum, contractuum, omnium deniq; negotiorum ciuiliū, ex quibus infinita non solum ad Germaniam nostram, sed imprimis quoq; ad Poloniam reddit commoditas. Nec sanè adeò difficile aut operosum Serenit. Regiæ V. bellum istud sociale futurum est, non solum ob maximam Regni potentiam, & militum Polonorum fortitudinem, & in bello gerendo industriam eximiam; sed multò etiam magis ob loci opportunitatem, & accessum ad hostes minus impeditum, & facilem commeatus rerumque necessariorum suppeditationē: quibus rebus omnis facile conficiendorum bellorum ratio continetur: Idque eò magis, quòd Transilvania & Moldauia, finitima Polonię regio, hoc ipso quoque bello sociali, vnà cum sacro Romano Imperio, nuper admodum implicata, & quasi totius Christiani nominis potestas coniuncta est, vt nullo vnquam tempore, sacri huius belli so-

cij clarissimi defuturi sint: quorum profecto fides ac tutela meritò propria habetur salus & incolumitas. Sic nimirum futurum est, vt si communi consensu atq; consilio à Christianis bellum hoc suscipiatur, barbari hostis vires ita distrahantur; vt ille tot & tantis exercitibus diuersis in locis petitus, tandem debelletur: & tanta mole belli, & tam ancipiti contentione obrutus, diuino numine superetur. Denique toti orbi Christiano gloriosum, & Serenitati Regiæ V. & vniuerso Poloniae Regno imprimis laudabile futurum est: si maiorum suorum, ac præsertim fortissimorum Regum Jagellonum exemplo, ex quibus Serenitas R. V. inclytæ familiæ ducit originem, Rempub. Christianam aduersus immanissimum Turcarum Tyrannū omnibus opibus atque viribus propugnare, & patriam communem orbemque Christianum tot & tantis periculis liberare in animum induxerit; vnde laus, honos, gloria, & æterni nominis immortalitas perpetua extitura est, quæ nulla vnquam temporum iniuria aut obliuio-

ne ob-

ne obscurabitur. Neque verò hoc nouo exemplo fieri putandum est, quòd bellum sociale à Sacro Rom. Imperio cum Regno Poloniae suscipitur: cū satis constet iam antea sæpius Reges Poloniae apud Pontifices Maximos, & Imperatores Romanos, imprimis verò fortissimū & laudatissimum Regem Sigismundum I. Serenitatis V. R. Proauum maternum, à Maximiliano I. Cæsare, in Comitibus Augustanis, per Reuerendiss. Oratorem suum Erasmum Vitellium, Episcopum Plocensem, subsidia belli communis aduersus Turcas congregandi, pro suo erga Remp. Christianam studio perpetuo, sollicitè implorasse; de quo plura dicere non est necesse. Quamobrem, vt coniunctis viribus, & communibus votis, in hoc tam pium & sacrum bellum, & quod ad gloriam Dei, & multarum gentium salutem, atq; adeò totius Reip. Christianæ incolumitatem pertinet, Regia V. Seren. vnà cum amplissimis Regni sui Proceribus incumbat, & aduersus communem totius Christianitatis hostem, communia & socialia

arma, cum aliis Christianis Regibus & Principibus coniungat, adeoq; Reipub. Christianæ in tanto periculo versanti, suppetias spontè ac ultro ferat, nomine Sacri Rom. Imperij, Electorum Principum, studiosè, vt decet, officiosèq; rogamus atque obtestamur. Pro quo officio tam pio & christiano, Serenitati R. V. & amplissimis Regni sui Proceribus, nomine eorundem Principum Imperij, non solum in hoc bello sacro, & sociali, fidem & constantiam debitam, verum etiam in omni alio officiorum genere, summam animi promptitudinem, & beneuolentiam, prolixè deferimus atque pollicemur: quos operam sedulo daturos spondemus ac recipimus, ne quid ab ipsis intermittatur, quod Serenitati R. V. & toti amplissimo Poloniae Regno, non modò gratum & optatum, sed omninò commodū & salutare futurum est.

DEVM OPT. MAX. supremum Ducem & Dominum exercituum, cuius hoc bellum est, & templi sancti ultio, communibus votis suppliciter oramus atque comprecamur; vt, qui
corda

corda Regum in manu sua habet, idem quoq; consilia omnia diuino numine ita dirigat, ita gubernet; quò maturè ab his, dum occasio & tempus est, omne illud fiat, quod in hoc tam pio & sacro bello factu opus & necessariū est: ne si tempus & occasio faciendi postea elabatur, frustra eos tandem & nimis

serò intermissi officij
pœniteat.



AD SERENISSIMUM AC
potentiss. Principem,

D. SIGISMUNDUM III.
REGEM POLONIAE ET SVECIAE,
Magnum Ducem Lituaniae,
&c. &c.

Magna quidem vis est, & magna potentia Turcae:
Maximus hinc hostis tot fera bella ciet.
Impetit haud vnum furiali Marte dynastam:
Cunctos at Reges, quum furit ira, premit.
Sponteq. se Regem Regum, dominumq. professus,
Afferit Imperium, ceu, Deus omne sibi,
Christicolam, Christi q. Dei simul efferus hostis,
Pro quo ceu numen se iubet ipse coli.
Irruite o tandem, Christo duce & auspice Christo,
Christicolae, Christi quos iuuat arma sequi.
Irruite, & seuum communi Marte Tyrannum
Tollite; sit soli gloria lausq. Deo.
Tuq. adeo, Rex magne, iuuasocialibus armis,
(Namq. potes) Christi signifer ipse bonus,
Comprime barbaricum magna virtute Tyrannum:
En: inbiat regnis hic quoque praedo tuis.
Sis felix SIGISMUNDE: Dei victoria praesto est,
Causa Dei, victrix causa futura, fauet.

Quò

Quò maior vis hostis, eò victoria maior,
Et laus, & laudis gloria fida comes.

AD EVNDEM.

Tot sunt Regna tibi, tot Regum nomina magna,
SIGISMUNDE, o gentis lumen bonosq. tuæ:
Te Suecus Regem, te Sarmata, Livo, Polonus,
Et cum Litvano Ruffus bononit ouans.
Te meritò metuat dominantem barbarus hostis,
Ibrax, & Tartarea trux feritate Scythes,
Indignus cui pacta fides seruetur: amicam
Foedis magnus toties fregit vterque fidem.
Fidere non tutum, fidei qui iura subinde
Contemnat, quoties dira libido iubet.
Sentiat inuictas tandem Ibrax impius iras,
Te Regem metuat barbarus iste suum.

AD EVNDEM.

Magnus cum Rex sis, magnos tibi iungis amicos,
Maxime Rex: magnos sic bene magna decent.
Caesare, quid maius magno super orbe? quid ipsis
Principibus sacri dignius imperij?
Totius imperij Romani en dextra fidesq.,
REX SIGISMUNDE, lubens accipe daq. fidem.
Caesaris


*Cæsaris, imperijq; sacri, sit amica voluntas,
Mutua perpetuò sit tibi cham fides :
Cum trucibus colitur nunquam pax fida tyrannis,
At Reges sanctos fœdera sancta decent.*

N. R.



CRACOVIAE,
In Officina Lazari, Anno Domini,

1595.



Biblioteka Jagiellońska



stdr0013336

Mc 4154 (1-4)

*Księg. Polon
& Misali*

